

Dasar Privasi

Pendahuluan

Kami, **Rexbridge Sdn. Bhd.** (No. Syarikat: 1106802-H), adalah komited untuk melindungi privasi anda sejajar dengan Akta Perlindungan Data Peribadi 2010 di Malaysia. Kami akan berusaha sedaya upaya untuk memastikan bahawa maklumat yang anda kemukakan kepada kami kekal peribadi dan hanya digunakan untuk tujuan(-tujuan) yang dinyatakan di sini.

Dasar Privasi ini menghuraikan bagaimana kami mengumpul, menyimpan, menggunakan, berkongsi, memproses dan melindungi data peribadi apabila individu mengakses atau menggunakan Portal kami ("**Portal**"), semua laman web, aplikasi mudah alih, perkhidmatan dan/atau alat yang berkaitan (secara kolektif, "**Perkhidmatan**" kami), atau berinteraksi dengan kami. Dasar Privasi ini juga memperincikan bagaimana individu boleh mengakses dan mengemaskini data peribadi mereka dan membuat pilihan tertentu tentang bagaimana data peribadi mereka digunakan.

Dengan mengakses atau menggunakan Perkhidmatan kami, anda bersetuju dengan amalan dan terma-terma yang dinyatakan dalam Dasar Privasi ini. Jika anda tidak bersetuju dengan Dasar Privasi ini, sila jangan gunakan Perkhidmatan kami atau berikan kami sebarang data peribadi anda.

Pengumpulan Data Peribadi

Semasa anda berurusan dengan kami, kami mungkin meminta anda memberikan maklumat mengenai diri anda atau mana-mana orang lain ("**Data Peribadi**") untuk tujuan(-tujuan) yang dinyatakan dalam Dasar Privasi ini. Kami hanya mengumpul maklumat yang boleh dikenal pasti secara peribadi yang diberikan secara khusus dan sukarela oleh anda.

Semasa anda berkomunikasi dengan kami atau dengan meneruskan untuk mengakses atau menggunakan Perkhidmatan kami, kami mungkin mengumpul data tertentu termasuk tetapi tidak terhad kepada nama, alamat emel, alamat Internet Protokol (IP), maklumat penggunaan laman web atau aplikasi mudah alih, maklumat yang dikumpulkan melalui penggunaan cookies, keutamaan seperti pilihan cara komunikasi, dan maklumat lain anda yang dibenarkan oleh undang-undang yang terpakai.

Untuk mengakses atau menggunakan Perkhidmatan kami, anda boleh memberikan maklumat lokasi anda untuk beberapa fungsi dan ciri yang menggunakan data geolokasi untuk kemudahan anda dan untuk mempertingkatkan pengalaman pengguna anda. Dalam keadaan di mana kami mengumpul atau menggunakan data geolokasi anda atau sebarang Data Peribadi lain semasa menyediakan sebarang perkhidmatan tambahan, kami tidak diwajibkan untuk memberi anda sebarang notis atau mendapatkan persetujuan anda terlebih dahulu melainkan diwajibkan oleh undang-undang yang terpakai.

Jika anda memberi kami Data Peribadi mengenai orang lain, anda mengesahkan bahawa orang tersebut telah melantik anda untuk bertindak bagi pihak mereka dan telah bersetuju bahawa anda boleh:-

- memberi persetujuan bagi pihaknya terhadap pemrosesan Data Peribadinya;
- menerima bagi pihaknya sebarang notis perlindungan data; dan

- menjamin bahawa anda telah mendapat persetujuannya supaya kami boleh menyimpan Data Peribadinya atau mempunyai hak untuk membenarkan kami memproses Data Peribadinya.

Cookies dan Teknologi Pengesanan Yang Lain

Cookies (fail-fail teks kecil yang diletakkan pada peranti anda) dan teknologi yang serupa boleh digunakan pada Portal untuk membolehkan kami menyelaraskan pengalaman anda menggunakan Portal, untuk membolehkan penyediaan berkesan Perkhidmatan kami, dan untuk membantu mengumpul data penggunaan dan prestasi. Cookies membolehkan kami membantu kami mengenali apabila anda kembali, menyimpan pilihan dan tetapan anda, membolehkan anda mendaftar masuk, memerangi penipuan, dan menganalisis pelaksanaan Portal.

Kami juga mungkin menggunakan kepingan-kepingan kecil kod yang dipanggil “*web beacons*” atau “*clear GIFs*” untuk mengumpul agregat metrik pengiklanan yang tidak bernama (“*anonymous*”) seperti mengira layaran halaman, layaran promosi atau respons pengiklanan. “*Web beacon*” adalah suatu imej elektronik yang dipanggil piksel tunggal atau “*clear GIF*”. “*Web beacon*” dapat mengenali beberapa jenis maklumat tertentu seperti nombor cookie pengguna, masa dan tarikh paparan halaman, dan perihalan halaman di mana “*web beacon*” itu diletakkan. “*Web beacon*” boleh digunakan untuk menyampaikan cookies yang mematuhi dasar cookies kami. Cookies, “*web beacons*” dan “*clear GIFs*” sedemikian mungkin berasal dari pihak ketiga.

Kami mungkin menggunakan cookies untuk tujuan berikut:-

- peningkatan keselamatan sistem-sistem kami;
- menyimpan pilihan anda dan menyediakan perkhidmatan yang disesuaikan kepada anda;
- membantu kami memahami bagaimana individu menggunakan perkhidmatan ini dan mempertingkatkan.

Anda boleh memilih untuk menerima atau menolak penggunaan cookies termasuk cookies yang dikaitkan dengan Portal, atau untuk menunjukkan apabila cookies telah ditetapkan oleh kami. Anda boleh menolak penggunaan cookies dengan memilih tetapan yang sesuai pada penyemak imbas anda, namun, anda mungkin tidak dapat menggunakan fungsi penuh Portal. Selepas penamatan lawatan ke Portal, anda sentiasa boleh memadam cookies dari sistem anda jika anda mahu.

Cookies dan teknologi pengesanan yang lain juga boleh digunakan untuk menyokong analisis oleh pihak ketiga yang lain.

Dengan terus menggunakan Perkhidmatan kami, anda bersetuju dengan penggunaan cookies dan teknologi yang serupa kami selaras dengan Dasar Privasi ini.

Sumber Data Peribadi

Data Peribadi yang dikumpul, digunakan dan diproses oleh kami adalah diperolehi dari cara-cara yang sah dan telus termasuk tetapi tidak terhad kepada:-

- akses atau penggunaan anda Perkhidmatan kami;

- sebarang emel atau apa-apa surat-menyurat yang kami terima daripada anda untuk meminta maklumat atau membuat sebarang pertanyaan;
- semasa perbualan antara anda dan wakil kami;
- sebarang permohonan atau borang yang anda telah kemukakan pada Portal;
- kaji selidik pelanggan atau acara promosi;
- pihak ketiga yang diberi kuasa, termasuk tetapi tidak terhad kepada agensi rujukan kredit, agensi pengawalseliaan dan penguatkuasaan, dan entiti kerajaan yang lain;
- kontraktor dan rakan-rakan niaga; dan
- senarai-senarai mel.

Tujuan Pengumpulan Data Peribadi

Kami mungkin mengumpul, menggunakan dan memproses Data Peribadi yang termasuk tetapi tidak terhad kepada tujuan yang berikut:-

- untuk mentadbir Akaun anda;
- untuk membolehkan kami menyediakan, memudahkan, melaksanakan, memperibadikan dan mempertingkatkan Perkhidmatan kami untuk memenuhi keperluan semasa dan masa depan anda;
- untuk membantu kami memahami dan membangunkan pengalaman pengguna yang disesuaikan berdasarkan keutamaan, tingkah laku dan aktiviti anda;
- untuk menghubungi dan berkomunikasi dengan anda;
- untuk menjawab pertanyaan anda, dan memberikan sokongan pelanggan;
- untuk menyelesaikan pertikaian atau menyiasat sebarang aduan yang dibuat oleh atau terhadap anda;
- untuk mencegah, mengesan atau menyiasat sebarang pelanggaran berpotensi, aktiviti-aktiviti yang menyalahi undang-undang atau kandungan yang dilarang pada Perkhidmatan kami;
- untuk memantau dan menganalisis penggunaan anda Perkhidmatan kami;
- untuk menyelidik, menilai dan membangunkan Perkhidmatan kami;
- untuk operasi am dan penyelenggaraan Perkhidmatan kami dan/atau Portal;
- untuk mempromosi atau menyampaikan maklumat, kemas kini dan berita Perkhidmatan kami atau perkhidmatan baru kami, syarikat subsidiari kami dan pihak ketiga, dan komunikasi sedemikian boleh dilaksanakan oleh kami atau melalui pihak ketiga;
- untuk digunakan dalam, untuk menyediakan dan/atau mempertingkatkan Perkhidmatan kami, kaji selidik pasaran, pemprosesan invois dan pembayaran dan aktiviti profil klien mengenai Perkhidmatan kami;
- untuk fungsi dalaman seperti menilai keberkesanan pemasaran, penyelidikan pemasaran, analisis statistik dan pemodelan, pelaporan, audit dan pengurusan risiko;
- untuk membangun, menunjukkan, mengukur dan menjejaki pengiklanan (termasuk tetapi tidak terhad kepada kandungan, kaji selidik dan promosi Perkhidmatan kami atau perkhidmatan baru kami, syarikat subsidiari kami dan pihak ketiga), dan untuk mengumpul maklumat tentang anda dan bagaimana anda berinteraksi dengannya semasa anda mengguna Perkhidmatan kami;
- untuk mengekalkan sistem pengurusan operasi atau hubungan pelanggan kami;
- untuk menguatkuasakan dan melaksanakan hak-hak yang dinyatakan dalam Dasar Privasi ini atau Syarat Penggunaan kami;
- untuk mengekalkan dan memelihara rekod pelanggan atau syarikat dan pembangunan dalam perjalanan biasa perniagaan;

- untuk penyimpanan rekod dalaman kami;
- untuk pencegahan dan pengesanan jenayah;
- untuk menjalankan ketekunan wajar pelanggan, untuk mengesahkan identiti anda, untuk memantau, mengesan dan menghalang penggunaan atau penyalahgunaan Perkhidmatan kami tanpa izin atau penipuan;
- untuk penyediaan dan pelaksanaan semua dokumen, perjanjian dan/atau kontrak yang diperlukan untuk Perkhidmatan kami;
- tujuan-tujuan yang diperuntukkan secara khusus dalam sebarang perkhidmatan tertentu yang ditawarkan oleh kami; dan
- untuk memenuhi sebarang syarat undang-undang atau pengawalseliaan yang berkaitan dengan semua urusan komersial, kelakuan perniagaan atau aktiviti kami atau peruntukan perkhidmatan kami, dan untuk membuat pendedahan di bawah kehendak mana-mana undang-undang, peraturan, arahan, perintah mahkamah, undang-undang kecil (“*by laws*”), garis panduan, pekeliling dan kod yang terpakai terhadap kami atau mana-mana ahli kumpulan syarikat kami dari semasa ke semasa.

Akibat Penolakan/Kegagalan untuk Memberi Data Peribadi

Kecuali jika dinyatakan sebaliknya, Data Peribadi yang diberikan kepada kami adalah diberi secara sukarela, dan anda tidak mempunyai apa-apa kewajipan atau dipaksa untuk berbuat demikian. Walau bagaimanapun, dalam beberapa keadaan jika anda tidak memberikan Data Peribadi yang dinyatakan dalam Dasar Privasi ini, kami tidak akan bertanggungjawab atas sebarang akibat yang timbul daripadanya:-

- ketidakupayaan kami untuk menyediakan produk atau perkhidmatan yang anda minta, sama ada dengan standard yang sama, atau sama sekali;
- ketidakupayaan kami untuk menyediakan anda dengan maklumat mengenai produk dan perkhidmatan yang anda mungkin ingin, termasuk maklumat mengenai jualan diskaun atau promosi istimewa, atau produk atau perkhidmatan baru kami;
- ketidakupayaan kami untuk menyesuaikan kandungan Portal untuk pilihan anda dan pengalaman anda pada Portal mungkin tidak menyenangkan atau berguna;
- ketidakupayaan kami untuk melengkapkan transaksi komersial berkaitan dengan Perkhidmatan kami; dan
- ketidakupayaan untuk mematuhi sebarang undang-undang, peraturan, arahan, perintah mahkamah, undang-undang kecil (“*by laws*”), garis panduan dan/atau kod yang terpakai terhadap kami.

Pendedahan Data Peribadi

Untuk membolehkan kami memenuhi tujuan yang disenaraikan di atas, Data Peribadi mungkin didedahkan kepada, tetapi tidak terhad kepada, kelas-kelas yang berikut:-

- pengguna-pengguna lain Portal termasuk tetapi tidak terhad kepada Pembeli-pembeli dan Pembekal-pembekal;
- mana-mana orang, agensi kerajaan, pihak berkuasa berkanun dan/atau pengawal setia industri di mana kami diperlukan atau dikehendaki berbuat demikian selaras dengan mana-mana undang-undang, atau sekiranya kami mempunyai kepercayaan yang baik bahawa penzahiran sedemikian perlu untuk melindungi dan/atau mempertahankan hak

dan kepentingan kami atau berkaitan dengan penyiasatan penipuan, pelanggaran, cetak rompak, pengelakan cukai dan pengelakan atau aktiviti lain yang menyalahi undang-undang;

- mana-mana syarikat pegangan, subsidiari atau berkaitan kami, termasuk yang diperbadankan pada masa akan datang dan/atau mana-mana ahli kumpulan syarikat kami;
- rakan kongsi perniagaan kami yang sedia ada atau berpotensi dan sekutunya yang membekalkan perkhidmatan atau produk yang berkaitan dengan perniagaan kami;
- juruaudit, perunding, peguam, akauntan atau penasihat kewangan atau profesional lain yang dilantik berkaitan dengan perniagaan kami;
- pekerja, perkongsian, entiti usaha sama, kontraktor atau penyedia perkhidmatan pihak ketiga, syarikat pengurusan pihak ketiga, subkontraktor atau pihak-pihak lain yang dianggap perlu oleh kami untuk memudahkan urusan anda dengan kami;
- pihak ketiga (termasuk yang di luar negara) yang menyediakan perkhidmatan pemrosesan data atau perkhidmatan gerbang pembayaran; dan
- mana-mana orang di bawah tanggungjawab kerahsiaan yang wajib memastikan data tersebut adalah disimpan secara sulit dan yang telah dilantik oleh kami untuk melaksanakan tanggungjawab kami kepada anda.

Pihak ketiga bertanggungjawab secara sah untuk memproses Data Peribadi selaras dengan prinsip-prinsip yang ditentukan oleh kami. Pihak ketiga juga bertanggungjawab secara sah untuk mengamankan Data Peribadi pada tahap keselamatan yang sesuai berkaitan dengan undang-undang perlindungan data yang terpakai dan diterima secara meluas piawaian industri.

Jika kami atau perniagaan kami diambil alih oleh entiti lain atau digabungkan dengan entiti lain atau terdapat cadangan untuk pengambilalihan atau penggabungan, Data Peribadi mungkin dipindahkan kepada entiti tersebut sebagai sebahagian daripada penggabungan atau pengambilalihan yang dicadangkan atau yang sebenar.

Perlindungan Data Peribadi

Kami memastikan bahawa semua kewajipan kerahsiaan yang bersesuaian dan langkah-langkah keselamatan teknikal dan organisasi disediakan untuk melindungi kerahsiaan dan keselamatan Data Peribadi yang dikumpul melalui pelbagai kaedah yang dinyatakan dalam Dasar Privasi ini untuk mengelakkan akses tanpa izin, pemindaan yang tidak dibenarkan atau menyalahi undang-undang, pendedahan atau pemrosesan maklumat dan data sedemikian, dan kehilangan atau kemusnahan yang tidak sengaja atau kerosakan kepada maklumat dan data sedemikian. Usaha-usaha ini termasuk tetapi tidak terhad kepada:-

- menyimpan Data Peribadi dalam sistem yang dilindungi oleh rangkaian selamat dan persekitaran operasi yang selamat yang tidak tersedia kepada orang awam dan hanya boleh diakses oleh pekerja kami untuk tujuan melaksanakan tugas rasmi mereka, dan pihak ketiga yang diberi kuasa yang terikat kepada kontrak untuk mengambil langkah-langkah yang munasabah untuk memastikan Data Peribadi selamat;
- sentiasa mengawasi sistem kami untuk kelemahan dan serangan yang berkemungkinan dan sentiasa mengkaji semula amalan pengumpulan, penyimpanan dan pemrosesan maklumat kami untuk mengemaskini langkah-langkah keselamatan fizikal, teknikal dan organisasi kami; dan
- mengesahkan identiti pengguna sebelum mereka boleh mengakses Data Peribadi yang kami simpan mengenainya.

Pematuhan dengan peruntukan ini diperlukan oleh semua pihak ketiga yang diberi kuasa yang boleh mengakses Data Peribadi seperti yang dinyatakan di atas.

Pilihan untuk Mengehadkan Pemprosesan Data Peribadi

Anda mempunyai hak untuk mengehadkan sebahagian, atau sepenuhnya, mana-mana proses di mana Data Peribadi adalah tertakluk dari segi operasi yang dibenarkan untuk dilaksanakan ke atasnya, tempoh masa yang dibenarkan, atau sebagai alternatif, tarikh akhir persetujuan tersebut yang diberikan.

Tanggungjawab pematuhan terletak pada kami yang menentukan tujuan dan cara pemprosesan Data Peribadi.

Anda hendaklah memaklumkan kami secara bertulis untuk meminta Data Peribadi yang disimpan oleh kami selagi ia adalah diperlukan untuk memenuhi tujuan-tujuan Data Peribadi tersebut dikumpulkan sahaja atau memaklumkan bantahan anda terhadap penggunaan Data Peribadi untuk tujuan pemasaran di mana kami tidak akan menggunakan Data Peribadi untuk tujuan tersebut. Anda boleh menarik balik, sepenuhnya atau sebahagiannya, persetujuan anda yang diberikan di bawah. Penarikan balik anda dalam setiap kes adalah tertakluk kepada sekatan undang-undang, terma-terma kontrak dan tempoh masa yang munasabah. Penarikan balik anda juga mungkin tertakluk kepada sama ada ia akan menjejaskan operasi perniagaan kami.

Hak-hak Anda

Berkenaan dengan Data Peribadi yang anda telah kemukakan kepada kami, anda berhak untuk:-

- meminta akses kepada Data Peribadi di dalam rekod kami;
- meminta membuat pembetulan Data Peribadi dalam rekod kami jika maklumat itu tidak tepat, mengelirukan, tidak terkini atau tidak lengkap atas pengesahan data baru yang diberikan;
- meminta menghentikan pemprosesan Data Peribadi untuk tujuan pemasaran;
- membantah pemprosesan Data Peribadi, meminta kami untuk menyekat atau mengehadkan pemprosesan Data Peribadi atau meminta kemudahan Data Peribadi;
- meminta untuk mengehadkan pemprosesan Data Peribadi atau data peribadi orang lain yang mungkin boleh dikenal pasti dari data peribadi anda; dan
- menarik balik persetujuan anda untuk kami meneruskan pemprosesan Data Peribadi; dan
- mengadu kepada pihak berkuasa perlindungan data peribadi mengenai pengumpulan dan penggunaan Data Peribadi kami. Untuk maklumat lanjut, sila hubungi pihak berkuasa perlindungan data tempatan anda.

Berkenaan dengan permintaan untuk mengakses atau membuat pembetulan terhadap Data Peribadi dalam rekod kami, permintaan sedemikian hendaklah dibuat secara bertulis dan disokong dengan pengemukaan dokumen-dokumen yang berkaitan seperti yang dikehendaki oleh kami secara peribadi dari semasa ke semasa ke alamat yang disenaraikan di bawah. Kami hanya akan membuat pembetulan yang sewajarnya berdasarkan maklumat terkini yang diberikan oleh anda. Apabila diminta dan ianya praktikal, kami akan memadam maklumat

yang boleh dikenal pasti dari sistem operasi semasa kami. Permintaan anda juga mungkin tertakluk kepada bayaran fi selaras dengan syarat undang-undang yang terpakai.

Menyunting atau Memadam Data Peribadi

Anda boleh meminta pemadaman Data Peribadi oleh kami, dan kami akan menggunakan usaha yang munasabah secara komersial untuk menghormati permintaan anda. Walau bagaimanapun, sila ambil perhatian bahawa kami mungkin dikehendaki menyimpan maklumat tersebut dan tidak memadamnya (atau menyimpan maklumat tersebut untuk suatu masa yang tertentu, di mana kami akan mematuhi permintaan pemadaman anda hanya setelah kami memenuhi syarat tersebut). Apabila kami memadam sebarang maklumat, ia akan dipadamkan dari pangkalan data aktif tetapi mungkin kekal dalam arkib kami. Kami juga mungkin menyimpan maklumat anda untuk penipuan atau tujuan yang sama.

Untuk menyediakan Perkhidmatan kami, kami mungkin memproses dan menyimpan maklumat anda pada pelayan yang terletak di Malaysia atau bidang kuasa lain yang kami anggap sesuai atau wajar kecuali undang-undang yang terpakai sebaliknya disediakan. Terdapat kemungkinan tahap perlindungan data di bidang kuasa lain tidak sepenuhnya memenuhi syarat-syarat undang-undang perlindungan data negara atau rantau anda, tetapi semua pemindahan sedemikian yang dilakukan adalah selaras dengan syarat-syarat undang-undang yang terpakai.

Kami mungkin menyimpan Data Peribadi semasa Akaun anda kekal aktif dan untuk suatu tempoh yang diperlukan untuk memenuhi sebarang tujuan penggunaan yang dinyatakan dalam Dasar Privasi ini atau untuk mematuhi mana-mana undang-undang dan peraturan yang terpakai.

Selanjutnya, kami boleh menyimpan Data Peribadi berikutan penutupan atau penamatan Akaun anda jika penyimpanan adalah munasabah dan diperlukan untuk:-

- mematuhi undang-undang dan peraturan yang terpakai atau kewajipan undang-undang;
- menyediakan dan melengkapkan perkhidmatan sokongan pelanggan;
- menyelesaikan pertikaian antara atau dengan pengguna kami; atau
- mengesan dan menghalang penggunaan atau penyalahgunaan Perkhidmatan kami tanpa izin atau penipuan.

Penyimpanan Data Peribadi

Data Peribadi yang anda serahkan kepada kami hanya akan disimpan selagi diperlukan untuk tujuan(-tujuan) yang dikumpulkan atau seperti yang dibenarkan oleh undang-undang yang terpakai.

Dalam amalan, kami memadamkan atau menyamaratakan Data Peribadi selepas pemadaman Akaun anda, kecuali:-

- kami mesti menyimpannya untuk mematuhi undang-undang yang terpakai;
- kami mesti menyimpannya untuk membuktikan pematuhan kami dengan undang-undang yang terpakai;
- terdapat isu, tuntutan atau pertikaian yang tertunggak yang menghendaki kami menyimpan maklumat yang berkaitan sehingga ia diselesaikan; atau

- maklumat mesti disimpan untuk kepentingan perniagaan kami yang sah, seperti pencegahan penipuan dan mempertingkatkan keselamatan pengguna.

Walaupun sistem kami direka untuk menjalankan proses pemadaman data mengikut garis panduan di atas, kami tidak boleh berjanji bahawa semua data akan dipadamkan dalam tempoh masa yang tertentu disebabkan oleh kekangan teknikal.

Meninggalkan dan Menghentikan Langganan

Jika anda berubah fikiran pada bila-bila masa untuk menerima maklumat daripada kami, anda boleh menghubungi kami secara bertulis. Sila ambil perhatian bahawa sebaik sahaja kami menerima permintaan anda untuk berhenti melanggan, ia mungkin mengambil masa sehingga empat belas (14) hari bekerja untuk kami memproses permintaan anda dan dapat dilihat dalam sistem kami. Oleh itu, anda mungkin masih menerima bahan/komunikasi pemasaran dalam tempoh masa ini.

Bahasa

Sekiranya berlaku sebarang konflik antara versi Bahasa Inggeris dan versi Bahasa Malaysia, versi Bahasa Inggeris akan terpakai.

Pembetulan terhadap Dasar Privasi

Kami mempunyai hak untuk mengubahsuai, mengemaskini atau meminda terma-terma Dasar Privasi ini pada bila-bila masa. Jika Dasar Privasi ini berubah, kami akan mengambil langkah-langkah yang munasabah untuk memastikan perubahan-perubahan ini akan dibawa kepada perhatian anda dengan menyiarkan semua perubahan dengan jelas pada Portal untuk tempoh masa yang munasabah. Kami menggalakkan anda untuk sentiasa menyemak semula Dasar Privasi ini untuk memastikan anda mengetahui sebarang perubahan dan bagaimana ianya boleh menjejaskan anda. Akses atau penggunaan berterusan Perkhidmatan kami dan/atau Portal selepas penyiaran perubahan sedemikian akan menunjukkan pengiktirafan anda mengenai perubahan sedemikian dan perjanjian tersebut untuk terikat dengan syarat perubahan tersebut. Jika anda tidak bersetuju, anda hendaklah menghentikan penggunaan Perkhidmatan kami dengan segera.

Hubungi Kami

Jika anda mempunyai maklum balas, komen atau pertanyaan mengenai Dasar Privasi ini, atau ingin mengakses, membetulkan atau memadam Data Peribadi yang kami ada, sila hubungi kami di:-

Orang yang boleh dihubungi: **[Xbridge Support Team]**

Rexbridge Sdn. Bhd.

16-05-V01,

Tower B, Vertical Business Suite II,

Bangsar South City,

No. 8, Jalan Kerinchi,

59200 Kuala Lumpur

Emel: **[support@xbridge.my]**

No. Tel: [+6017-745-1185 / +6017-715-9340]

Bertarikh: [01/01/2019]